

Vedtekter for Osterøy Ungdomsråd

§ 1 Føremål/oppgåver

Ungdomsrådet i Osterøy er eit demokratisk vald organ oppretta for å ivareta interessene til born og unge i kommunen. Ungdomsrådet er kommunen sitt medverknadsorgan for ungdom. Utvalet er oppretta med heimel i ny kommunelov jf. § 5.12.

Ungdomsrådet skal :

- få informasjon om kva saker som er til behandling i kommunen.
- gje råd og medverke i saker som angår dei.
- vera pådrivar for det frivillige og offentlege barne- og ungdomsarbeidet i kommunen.
- utarbeide eigen arbeidsplan for kvart år. Arbeidsplanen skal sendast til kommunen og skulane til orientering.

§ 2 Økonomi/organisering

- Ungdomsrådet får eigen konto i kommunerekneskapen. Disponering av midlar skal gjerast i høve til arbeidsplanen.
- Ungdomsrådet skal ha tilstrekkelig sekretariatshjelp. Sekretær har mynde til å disponera midlane til ungdomsrådet.
- Ungdomsrådet får nytta kommunalt utstyr til kopiering og utsending av dokument.
- Ungdomsrådet har rett til å ha møte i skuletida.
- Ein representant frå kvar skule som er ungdomsrådet skal ha møterett i elevrådet ved skulen.

§ 3 Funksjonstid og samansetjing

a) Valperiode

- Representantane vert vald for to år med funksjonstid frå 1. oktober.
- Nye representantar frå 10. trinn og 3. klasse på vidaregåande vald for eitt år.
- Dersom eit trinn mister både hovud- og vararepresentant, vert det suppleringsval for resten av perioden. Funksjonstida er lik som for representanten som vert erstatta.

b) Medlemstal

- Ungdomsrådet skal ha 11 medlemmer: 3 frå Danielsen ungdomsskule, 4 frå Osterøy ungdomsskule og 4 frå Osterøy vidaregåande skule. Ungdomsrådet kan også ha 2 representantar frå frivillige ungdomslag og -organisasjonar.
- Kvar representant skal ha ein vara av motsett kjønn. Kvar skule skal ha minst to hovudrepresentantar av kvart kjønn, bortsett frå Danielsen ungdomsskule som skal ha minst ein av kvart kjønn. Kvart årstrinn skal ha ein representant. Osterøy vidaregåande skule må ha minst ein hovudrepresentant frå studiespesialiserande fag og minst ein hovudrepresentant frå yrkesfagleg studieretning.

c) Val

- Kvar haust gjennomfører elevråda ved skulane nominasjon og val for å erstatta dei representantane som er ferdige med funksjonstida si. Alle elevane ved dei respektive skulane har stemmerett. Heradsstyret skal vedta samansetninga i ungdomsrådet etter innstilling frå ungdomsrådet.
- Ungdomsrådet vel sjølv leiar og nestleiar. Leiar og nestleiar vert vald for kvart år. Dersom ein representant frå ungdomsskulane har leiarvervet, skal vidaregåande ha nestleiarvervet og omvendt.
- Koordinatoren for ungdomsrådet har sekretærfunksjonen, elles skal medlemmane sjølv utføra arbeidet som følgjer med verva.
- Representantane i ungdomsrådet kan på valtidspunktet ikkje ha fylt 19 år (ref. ny kommunelov).

d) Møte

- Det vert ikkje oppnemnd ein fast politisk representant eller fast representant frå administrasjonen, men ungdomsrådet kan sjølv invitera politikarar eller andre til rådsmøta for å få orientering eller for å ta opp eit tema.
- Ungdomsrådet skal ha minimum fire møter i året. Det skal førast referat frå møta med oversyn over deltakarar, saker og vedtak.
- Vedtak i ungdomsrådet vert gjort med vanleg fleirtal, så lenge minst halvparten er til stades. Ved eventuell stemmelikskap har leiar dobbelstemme.
- Årsmelding skal leggjast fram innan utgangen av oktober.

§ 4 Vedtektsendringar

- Vedtektsendringar må godkjennast av heradsstyret etter innstilling frå ungdomsrådet.

Hatland, 13. november, 2019